

1 Timoti

1 ¹Ëta dā aluyaqsóro tao sale Kótóro dā take mo wisiyóló betaaire bete Tale Yesu Kerisotamoné kale fo wisi eraŕle fae yóló doteyale whi Polné i asē dere ape.

²Ti i dere fota, Yesu Kerisoné ala tuamó beteroþóló, yaŕlo deyóló beteroþ betere naale Timotipaae dapa, dané Aya Kótóro Tale Yesu Kerisotamo tuamó kaaróló wó tare haŕle hamokoróló eratere alakélé, kŕlené sukŕló tao sere alakélé, hosaa muni deyóló mo dua betere alakélé, yaþaae eroþóló yae.

Tukóló muló betere fo yó matere whiŕapené dere fo wosaŕse yale fo

³Ë Masedonia hae kwiapaae faairaalu, yaþaae i ala yae yóló seþu betale fo kaae momó dapa wosae. Mepaae whiŕapené kapala fotei Kótóné fo i ape yóló yó mótu betereitei foné sóro sesé du betaaseþóló, yaþ Epesus be taaróló feni, aimótóro betae dere fota haŕle meipó. ⁴Mepaae dolaa fo ó noutererapené doi mole alarape wosaairaalu ketekē butu betaqsóro sesé du betaaseþóló, dapó. Ai alarapénéta, Kótóné so whi mo betā kisipa muóló betereini, kae kae kisipa muóló betere ala kaarótu beteroþ. Atétere alané Kótóné erae dere ala erotumitei, mo kisipa tiki tiratere alané betā Kótóné kutó dirótu beteroþ. ⁵Yaŕlo yaþaae i alarape yae yóló seþ dere fota, noa ala yaaseþóló dumipó. Dā fea yaala sókó fole alatóróti du betaai dapó. Ti ai yaala sókó fole ala kaaratere beterape i ape. Hosaa tuamó me alatamo hosekēni, mo wisi alatóróti muóo, mepaae yale dowi alarape haþeamó yó melóló mo wisi kisipa betā muóo, tuē tiki tiratere alakélé tómo ini, mo ti tiróo, du betereiteiné yaala sókó fole ala kaarótu beteroþ. ⁶Mepaae whiŕapeta bete muleire fo wosaairaalu, i bete mole fo wisi taaróló ai fele ape. ⁷Ti ai whiŕape atimata, Kótóné kale yóló muló betere fo yó matere whi betaaitapó du betereitei, atimané yó mótu betere foró ai fo betetamo atima wisiyóló tuē irumeitei, haŕle foné maaté mo diriyóló kisiparapó du beteroþ.

⁸Ti Kótóné yae yóló tukóló muló betere fo mepaae whiné mo donoyóló erotu betepa, ti doni mo wisirapó. ⁹⁻¹¹Ti Kótóné ama i ala yae yóló muló betere fota, mo donoyóló fole whiŕapené dosayóþóló tukóló

muló bitinitei, Kótóné yóló muló betere fo tukóló dowi alarape du betere wh̄irapené dos̄aȳȳpóló tukóló muló betereitei dané kisiparapó. Ti ai wh̄irapené du betere alarape i ape. Yāq̄se yóló muló betere fo tikitere alakélé, t̄eteróló kaae tare wh̄irape āmó bitini h̄õraterere alakélé kótó bitinipóló ama ala eraalo h̄õtereteikélé, mo sonaalei dowi ala du betereiteikélé, wisi ala ini, dowi alatóró h̄ale yó tareiteikélé, kótóné fo wosetere alaró āpaae momatere alatamo initereteikélé, hae aya ó mo so wh̄i dóló sukunatere alakélé sotamo, nópu nokole alakélé, so ó wh̄i hamomatamotei nópu nokele alakélé, kutó diratere wh̄i beteraai dotonóló duputere alakélé, kapala fo dere alakélé, me wh̄ipaae i ala eraalopó yólóte i mo eréni, dilikitere alakélé, mepaae kae kae dere alarapénékélé, Kótóné fo wisitamo b́oe dóló só derótu betere ala mo dorapó. Mepaae wh̄irapené yó mótu betere foró kale mió wosetu betere fo wisitamo bet̄a alatóró epa mo wisirapó. Ti ai fota, mo wisi alamaaté erótu betere Kótóné āpaae nao wisiyóló kaae taru, so wh̄ipaae yó melale fae yalepó.

Talené Pol hamokoróló tao suraalu erale ala

¹² ̄F̄ fotok̄o bulale sek̄é dané Tale Yesu Kerisoné ama kutó dirótóró tawaalopóló kisipa mutu, ̄fopeyóló sóró betero betereiteiné, yālo mo kée du beteraapó. ¹³ Take ̄eta, Kótóné doi doróló faletere wh̄i betóo, ama so wh̄i dóló susupuratere alakélé yóo, hapale fopaae buóló h̄õle fo dere wh̄i betóo epatei, Talené k̄õlené sukuturaalu ̄tao salepó. Ti noatepae, ̄āpaae kisipa tiki tiréni yaletéiné k̄õlõ k̄õlõ iru, ai alarape h̄õko du betalepó. ¹⁴ Dā t̄eteróló kaae tare Talené h̄ale hamokoróló tao sere ala wisinaale āpaae mo dekéro eró tawóo, ai alatamo touróturaalu Yesu Keriso tuamó kaayóló wou betere kisipa tiki tiratere alaró yaala sókó fu betere alatamokélé, āpaae eróo du betalepó.

¹⁵ I fota, so wh̄i feané wosóló mo bete mole fo dapóló tūé tiki tiraaire fopa, wosae. Yesu Keriso i haepaae waletéita, dowi ala du betere so wh̄i aluyaqsóro tao saai walepó. Yālo du betale dowi alané mepaae so wh̄iné du betale dowi ala t̄eteróló mo doasi dowi ala du betalepó. ¹⁶ Atéyale betené take yālo du betale dowi alamó Yesu Kerisoné ama ̄kwia matere ala folo hapale ini, k̄õlené sukuturaalu kaae taté fóló, nalo tao salepó. Ti até yale beteta, h̄ale meipó. Take nalo Talepaae tūé tiki tiróló, mo ti betó tawaaire bete saaire so wh̄iné āpaae erale ala tūé muturaalu Taleta, atei kaae Tale beteraapóló tūé muópóló eralepó. ¹⁷ Téraa, dā t̄eteróló kaae tare mo doasi topo wh̄ita sukókélé ini yóo, wh̄i bet̄anékélé mo kilini yóo, iruraalu, mo ti h̄ale betó tare Kótó bet̄atóró beteraa, mo ama kae ere ala wisinaale eraté furaalu, ama doi doasi doi mulópóló yae. Mo kée! Teyópóló yae.

¹⁸ Yālo hosaa mole naale Timoti-ó, Kótóné mepaae wh̄irapepaae yó matepa atimanémo, yā tūé muóló yale fo kaae mió yālokélé yāpaae

i ašemó dere fo wisiyóló dosąyóló kisiparu sya fae. Naaotamo ai fo wisiyóló sya fóló eró tapata, ti dąné bóe whįtamo bóe wisiyóló dóo, tuę tiki tiratere alakélé yó tawóo, naao tiki tuąpaae me haşóko fole alakélé muni yóo, yaalo ai ape. ¹⁹Mepaae whįrapeta, ai alarape sya fóló eréni, hęratereiteiné kale węi nuku fetée fóló dotu dere kaae, atimané tuę tiki tiraté fu betale alakélé haepaae derepelepó. ²⁰Atéyale whįrapekó whį tamo Haimeneasiró Aleksandatamo beterapó. Ai sekętamóné du betere alané Kótóné doi wisinaale doratere ala haę deté fu betaşóró, yaęlotei Satan-né naase tuąpaae mulalepó. Ti atéyaleiteita haę meipó. Atimaamo sekęi ala suraalu, atimaamonétei yale alamó dapóló kisipa feteyóló, Kótópaae wóþóló eralepó.

Talené doi sóró horatere ala etéro yae yóló yó male fo

2 ¹⁻²I haemó betó mole so whį feamó momaróturaalu, tęteróló betere topo whįrapemókélé, atimané mepaae alarape tęteróló kaae tanóþóló sóró beteró betere whįrapemókélé momarótu betae. Atéro momaróturaalu, Kótópaae me alakó erae yóló wosetere fokélé yóo, mepaae so whį Kótóné tao sþpóló momaratere alakélé yóo, Talepaae mo kée dere fokélé yóo, du betaaseþóló dapó. Ti noa ala yóþóló dumipó. Da Kótóné mo ama kae beteró betere so whį bituraalu, ama ala erótu betepa mepaae whįrapené bóe dóló sesétere ala yaşóró, mo dua beteróþóló momatu betae. ³Ti atéro momatu betere alata doni, mo wisipa da aluyaşóró tao su betere Kótóné kolóló, donoi ala du beterapó kisipa mutapó. ⁴⁻⁶Ti Kótóné amata, so whį feané mo fo bete wisiyóló tuępa, aluyaşóró tao saai du betere ape. Ti noatepae, Kótóta betątóró bituraalu, Kótóró so whįtamo tuąmó betere whį Yesu Keriso ąta, mo whįtóró beterapó. So whį feané kilituraalu ita Kótónéþó yóþóló, kale tukóló mulale be demótóró so whį fea sukóló aluyaşóró tao suraalu, ama betere betené duputamoróló sukąlepó. ⁷Atére ala bete yó melóþóló, Kótóné ę sóró beteró beterapó. I du betere fota, kapala mei mo fo dapó. Juda fake mei, kae fake so whįpaae kale doasi topo whįné fo i ape yóló yó matere *aposolo* whį betóo, Kótóné kutó dirane fae yóló dotonatepa ama kutó diratere whį betóo, kale mo fo betekélé so whį feané wosóló kisipa tiki tiróþóló yó matere whį betóo eróþóló, Kótónétei ę sóró beterelepó.

⁸⁻¹⁰Yaęo i dere ma fota, dią whįrapené Talepaae momaturaalu, momatere bemómaaté ini, kae kae hoko tikimókélé du betae. Atéturaalu, fopaae buóló hęle sere ala ini, mo ama kae beteró betere so whį bitu, naase horóló Talepaae momatu beteróþóló dapó. I dere ma fo kaae dią sorapepaaekélé dapa wosae. Dią Tale aęmó sukóló bitu, ama doi hale sóró horóló momatu ai beterapa, diaaę tó tikimó deraai doasi *moniné* duputere kuti ó meleke ó au yaaire *kold kapané* aleale ęla ęla ó mepaae topo niki dokotere ęla ęlapaae doasi kisipa muaşsé. Dią Kótóné fo wosetere sukamó

ó momayaairaaalu, wh̄iné au n̄ópóló deratere kuti deréni, Talené ala sya fu betere sorapené kuti derótu dere kaae yóló deratepata, ti mo so wh̄i feané kolóló mo donoi kuti deró beteraóló kisipa muaalopó. Diaaḡ tó tiki maaté aaraai kisipa muni, tó tikiné dere wisi alané tiki tuḡpaakékéle aurótu betae. Ai ala epa Kótóné kilitu, kelaalo mo kokḡrapó yḡpóló yae.

¹¹⁻¹²Diḡtamo betó mole Keriso sorapené Talené ala tuḡ yaai dere alata, ti kaae tare wh̄i aḡmó sukóló hipa fi dua beteraóló yae. Mepaae sorapené wh̄i yó matere ala ó wh̄i ṭeteróló kaae tatere ala ini yóo, wh̄iné dere fokélé tikini yóo yóló, wh̄irape aḡmó sukóló mo dua beteraóló yae. ¹³Ti noa betené meipó. Folosóró Kótóné Adam-pi aleyóló nalo so Ipi alipakalepó. ¹⁴Wuliné soró wh̄itamo dilikḡle sukamó wh̄i Adam dilikinitei, kale so Ipi dilikipakalepó. Tétepa kale soné mo dere nisiyóló, wosóló sya feleteiné dowi ala ipakalepó. ¹⁵Atétepei, sorape atimata mo kisipa tiki tiratere ala yóo, yaala sókó fole alakélé yóo, ama mo kae betero betere sorape bituraalu, mo donoi alakélé deté fu betóo iru, naale senaale deté fu betepakélé Talené atima aluyaḡsóró tao saalopó.

ṭeteróló kaae tare wh̄i disiró dikon wh̄irapetamomó dere fo

3 ¹I dere fota, mo tuḡ tiki tiróló betaaire fopa wosae. Mepaae wh̄i detamo Kótóné so wh̄i ṭeteróló kaae tawaaire wh̄i betaai kisipa mutupata, ti ai wh̄iné mo kutó wisinaalepóló diyaa tuḡ mutu dapó. ²⁻³Kótóné so wh̄i ṭeteróló kaae tawaaire wh̄i sóró beteraaitepata, ti i alarape sya fóló du betere wh̄i sóró beteranérapó. So wh̄i feané keletómó me alakélé ini, mo wisiyóló dua betóo, betḡ sotóró dokóló betóo, topo doyóló keyaa fḡpóló, *wain* weḡi mo dekeró nélitere wh̄i betóo, mepaae ala yaairaaalu hapale ini, ṭeteróló mo dua kisipa tekeyóló yóo, so wh̄i feané kolóló wisi ala dere wh̄i beteraḡpó yḡpóló dua betóo, uké wale so wh̄i wisiyóló dape sóró firatere wh̄i betóo, Kótóné fo yó melaai fosó fosóre wh̄i betóo, topo dotere weḡi nóló keyaa fenitere wh̄i betóo, fopaae buóló ḡle sere ala hapale ini, mo dua naame yóló betere wh̄i betóo, me wh̄itamo fonétei u só derótu i só derótu yóló dokó dokó ini, mo dua betóo, *monimó* eḡle yóló hosaa fake initere wh̄i betóo epa, ti atére wh̄i sóró beterae. ⁴⁻⁵Atéro bituraalu, ama so naale senaale mo wisiyóló ṭeteróló kaae tapa, naale senaalenékélé alimané dere fo wosóló mo dua bitu, ama alimané doi sóró horaaitere alamaaté du betepa, ti atei kaae wh̄i mo ḡmó sóró beteranérapó. Mepaae wh̄inétamo ama so naale senaale wisiyóló ṭeteróló kaae tawaaire kisipa initepa, ti Kótóné so wh̄ikélé netéro wisiyóló kaae tawaaloé? ⁶Teó wale Keriso wh̄itei so wh̄i kaae tanḡpóló sóró beteraḡse. Ti noatepa meipó. Atei kaae wh̄iné kaae taru ḡ so wh̄i ṭeteróló kaae tare doasi wh̄ipóló, bopé faketu betepa, Kótóné fo tokḡtamo yóló Satan só deróló kwia materetei atétere wh̄i ḡkélé saḡsóró dapó. Téyaḡsóró, belapaae ḡle betere so wh̄itamokélé mo dua bitu, wisi ala du betepa, ti ai wh̄iné so wh̄i

kaae tanópoló sóró beterae. Ti noa ala yaqsóro dumipó. Ama yale dowi alamó, a haleturaalu Satan-né hemó daqsóro dapó. ⁷⁻⁹*Dikon* whjrape sóró beteraai depata, ti u kale whjrape du betere kaae, atimané dere ala so whj feané kolóló i whjta mo wisirapó depa, ti ai whj *dikon* sóró beteranérápó. Kapala fo dekaaporóló ini yóo, topo dotere *wain* wej dekéro nokole alakélé ini yóo, kapala mepaae whjrape dilikóló *moni* sere ala ini yóo, hosaa tuamó me ala muni tué tiki tiróló bitu, take kinóló muale bete mole fo diriyóló yó tare whj sumó sóró beteranérápó. ¹⁰Atéro sóró beteraai, ama dere alapi kaae keleralemótamo, ama ditere kutó ó dere ala hasókó fóló me dowi ala initepa, ti Kótóné ki diyópoló sóró beterae.

¹¹Atére kaae, kale *dikon* whjrapené somarapekélé mo so whjné kilituraalu ita, mo so wisipó yópoló yae. Atimané mepaae so whj eratere fo ini yóo, *wain* wej mo dekéro néni mo tóróti nóo, fea ala duraalukélé hoko ini, mo wisiyóló yó tawóo, du betere so beteropóló yae.

¹²⁻¹³Diānétamo whj betakó *dikon* sóró beteraai depa, ti so betatóro dokóo, ama naale senaalekélé, atamo betamó betere so whjkelé, mo wisiyóló teteróló kaae tawóo epa, ti atei kaae whj sumó sóró beteranérápó. Ai sóró beteratere whjrapené kutó mo wisiyóló dité fu betere kilituraalu, i whjrapeta mo wisi ala du beterapóló doi sóró horateremó wikélé ini, halaatere ala mo ti fakeraté fóló asane furaalu, Yesu Kerisopaae kisipa tiró betere whjrape betaalo ai ape.

¹⁴⁻¹⁵Ēta felekemó diā beterepaae waai kisipa mutupatei, e waaire tū mepaae alané sesépa, diā fea hoko bitini, mo wisiyóló Kótóné naale senaaletóro beteropóló i ašetū betere ape. Kótóné so whj fea ti betā bemó betere sū ai betere ape. Atéro touróló betere so whjta, mo ti betó tare Kótóné kale mo fo wisi haē muaqsóro, be mo diriyóló daalópoló hulua elekéro iru elekétamo kaae, ai dere ape. ¹⁶I dere bete mole fota, so whj feané mo diriyóló tuēre fopa wosae. Kótóné ama mo doa ere ala wisinaale haē tómó mole kwia maaté dané kisiparetei, kinóló mole bete turó netéro kisipa yaaloé?

Ti a mo so whjné kolópoló mo whj tiki daayóló wóo,
 so whjné a kilitu mo whjmaaté nisi yaqsóro,
 Kótótóro beterapó yópoló Dēi Kepe Wisinétei eróo,
ensel-rapénékélé a mo kolóo,
 kae kae tiki daae mole so whjnékélé a kisipa yópoló yó maté kweyóo,
 hae kwia feamó betóló fale so whjné ama dere fo wosóló kisipa tiki
 tiróo,
 Kótóné ama kae ere dē tuamó beteraai dapesó holóo, erapó.

Timotipaae i ala yaeró yale ma fo

4 ¹Kale Dēi Kepe Wisiné haēkamó yó mótu betere fo i dapa wosae. Kemeyaaire sukamó mepaae so whjrape Kótópaae tué tiki tiró

beteretei taaróló, kapala dilikitere keperapené i fo yae yóló yó mótu betere wh̄rapené dere fo wosóló sya faalo ai ape. ²Ai fo yó mótu betere wh̄rapeta, kapala fo bole wh̄rapetei, Talené fo yó matere wh̄rape aq̄rapó. Atéró yó mótu betere wh̄rapeta, atimané deté fu betere dowi alané haletere ala ó witere ala ini, atima hosaa mo tórúyóló h̄le q̄la nisiró beterapó. ³Atimané mo so wh̄paae so dokotere alakélé yaq̄se yóo, mepaae nokole q̄lakélé naq̄se yóo du beterapó. Ti ai naq̄se yóló sesétu betere q̄lata, mo fo bete tuq̄ruraalu Kótópaae tuq̄ tiki tiróló betere so wh̄iné mo kée yóló n̄póló Kótónétei ai q̄la q̄la aleyóló muló beterapó. ⁴Ti noatepa meipó. Kótóné aleyóló muló betere q̄la feata, dorapóló taae faréni, mo wisirapóló Talepaae mo kée yóló nenérápó. ⁵Ti noatepa meipó. Kótóné fo dosq̄ayóló tuq̄ruraalu moma yó tareteiné fea q̄la Talené wisiróló, ama kae tukóló muló beterapó.

⁶Ti yaq̄ta, tuq̄ tiki tiraaire fo wisi mepaae wh̄rapené yó matepa wosóló, ai fo wisi tuq̄mó doayalepó. Téyaletéiné yaq̄o yaq̄paae kale yale forape Kereso no nerapené wosq̄póló yó mótu betepa, ti yaq̄ Yesu Kerisoné Kutó diratere wh̄i wisi betaalo ai ape. ⁷Térapa, Kótóné ala aluraairaaalu, mepaae bete munire kae kae dolq̄a foró, so disirapené bete munire fotamo du betepa, mo nisyóló sya faq̄se. Téni, Kótóné ala wisinaale betq̄ yaq̄ tuq̄paae erq̄póló, naotei fotokq̄ bulatere alatóró yó tawae. ⁸Ti noatepae, h̄le tó tiki fotokq̄ buq̄póló deté fu betere alata, ti sawa h̄leke sukamómaaté yóló kemeyaalotei, Kótóné ama ere ala wisi yaq̄ tuq̄mó moleteiné kae kae ala yaq̄ tuq̄paae eratepa, ai eratere ala tuq̄paaekélé, wisi alatóró erótu beterapó. Ti mió dq̄ i haemó betere alimó mo ti betere bete sóró tawóo, take nalo waaire alimókélé wisi alatóró mupa kolóo yaalopó.

⁹Yaq̄o yaq̄paae i dere fota, so wh̄i feané wosóló mopóló tuq̄ tiki tiróq̄póló dapó. Take waaire alimó dq̄né mo wisi ala wisi kelaalopóló kisipa mutu, mo ti betó tare Kótópaae kisipa tiratapó. ¹⁰Ti aq̄ta, so wh̄i fea aluyaqsóró tao saaire Kótó betereteiné mo aq̄paae tuq̄ tiki tiró betere so wh̄rape betq̄ tao su beterapó. Atétu betere alamó tuq̄ muturaalu, dq̄ ketekq̄ buóló depe tukó wei ala i du betere ape.

¹¹Yaq̄o i yó melale forape so wh̄i feané wosóló deté fu beterq̄póló yó mótu betae. ¹²Mepaae wh̄rapené yaq̄ teó kokopei wh̄ipóló kisipa mutu, naao yó mótu betere fo wosaalomeipóló faleyaqsóró, naao du betere fokélé, betere alakélé, yaala sókó fu betere alakélé, kisipa tiki tiró betere alakélé, me dowi alatamo hosekényi, mo kae betere ala Keriso so wh̄i feané kolóló, mo wisirapóló naao du betere ala sya wóló du beterq̄póló yae. ¹³Ɛ yaq̄ beterepaae waaí teópatei, mepaae kae kae alarape fea naao taaróló, Kótóné asemó yóló muló betere fo betq̄ so wh̄i feané wosq̄póló h̄akeamó dosq̄ayóo, so wh̄i dekayóló haepaae derepaqsóró ketekq̄ bulatere fokélé yó melóo, Kótóné bete mole fo i ape yóló, yó matere alakélé taaréni mo yó tawae. ¹⁴Atétu bitu, kale Keriso so wh̄i tetéróló kaae tanq̄póló sóró

beteró betere wh̄irapené naao tikimó naase mulóló momarótu betepa, Kótóné me wh̄ipaae i fo yae depa yale sukamó, D̄ei Kepe Wisiné wisi ɔla wisi yāmó hāle melalepó.

¹⁵So wh̄i feané naao ai du betere wisi ala wisi fakeraté fu betereitei kolóló, mo wisirapó yópóló kisipa keteréni, ai alapaaetóro ketek̄e buóló erótu betae. ¹⁶Téturaalu, naao betere alaró yó mótu betere fotamo mo hotowayóló kaae taru, naao ai yó tare ala deokayóló taaréni, hāle yótóro tawae. Ai alatamo yó tapa, ti yākélé, naao yó mótu betere so wh̄ikélé aluyaṣóro, tao saalopó.

**Wh̄i disiraperó wulia sorapetamo, wae sóro kutó
diratere wh̄irapekélé feapaae i ala yae yale fo**

5 ¹Yāta teó wh̄ipa, ma fo duraalu mepaae wh̄i disirape foné sóro deteraainé ini, mo naao ayapaae dere ma fo kaae dua yae. ²Teó kokopei wh̄irapepaaekélé, naao no apupaae eratere ala kaaetóro eróo, mepaae so disipaaekélé mo naao haepaae dere ala kaae eróo, teó seimale sorapepaaekélé, mo naao ne apupaae dere ala kaaetóro eróo duraalu, mo wisi kisipa bet̄a muóló erótu betae.

³Naale senaale mei, mo doasi yāyātu betere wulia sorape keteréni mo wisiyóló tao sua yae. ⁴Tétu bet̄a wulia soné ama naale senaale ó ama naale senaalené deale naale senaale betepata, ti ai naale senaalené Kótóné ala eróturaalu, atimané hama alima kaae tatu yale kaae, atimané auma serekélé atéró kaae tapa, ti Kótóné mo wisirapó kisipa muaalopó. ⁵Téretei, mepaae wulia so tao saaire so wh̄i bitini, mo yāyātu bitutei Kótópaae tūe tiki tiróló, take nalo betaaire alimó wisi ala wisi kelaalopóló kaae tawóló bitu, dilikitamokélé, dētamokélé, Kótópaae tao sae yóló moma yó tarapó. ⁶Tétu betepatei, mepaae wulia so ama tó tikiné ek̄elere alamaat̄e du betepata, ti ai so ā mo betepatei sukune wh̄i aṣrapó. ⁷I ala yae yóló du betere forapekélé, mo so wh̄i feané wosóló sya fópóló yae. Ti noa yópóló dumipó. Mepaae Keriso so wh̄iné wisi ala dumipóló eratere fo yaṣóro dapó. ⁸Mepaae wh̄irapenéamo ama kili wh̄i so tao sóro kaae tani yóo, ama soró naale senaaletamokélé wisiyóló kaae tani yóo depa, ti atétere wh̄iné Kótópaae tūe tiki tiró betere ala amatei faleyóló, i wisi ala inipóló dere fo yaosóro, mo wh̄irapené du betere alakélé tēteraasepóló dapó.

⁹Dīa Keriso so wh̄iné mepaae wulia betere sorape ɔla ɔla yāyātepa, tao saaire fo i dapa wosae. Diaaṣ mepaae wulia sorape tao saairaaalu, doi mole tikimó bet̄a wulia so 60 ba fotamo kemenipa, ti kale sorapené doi mole tikimó touróló mulaṣe. ¹⁰Motamo ama oma aṣmótóro bitu, wisi ala erótu betale doi mole so betepa, ti ai soné doi aṣénérapó. Ti ai erótu betale wisi alarapeta etérópó. Naale senaale wisiyóló kaae taté fu betale alakélé, uké wale wh̄irape wisiyóló dape su betale alakélé, mepaae

sorapené naale senaalené di dasutu dere kaae, Kótóné so whi tao sóró erótu betale wisi alakélé, mepaae kae kae seketerere so whi tao suayale alakélé, kae kae du betere wisi alatamo touróló du betepata, ti atei kaae wulia soné doi asenérápó.

¹¹Tétu, mepaae wulia betere teó sorapené doi mepaae doi mole wulia sorapetamo touróló mulaose. Ti noa yaqsóró dumipó. Atima Yesu Kerisoné kutó diraalopóló yóló mulale fo tetéroló, nalomo whi kaetamo furaalu, tikaqsóró dapó. ¹²Atéro whitamo furaalu, folosóró yóló mulale fo tikale betené dowi dupu saqsórópó. ¹³Ti ai alamaaté meitei, atima kutókélé dini, deokayóló hãle bitu, mené bepe bitiré kotere alamaaté dua dapó. Atéro hõko bitiré kuturaalu, kutó ditere nisi yópóló dere alakélé, mepaae so whi eratere fokélé, mo enénire fokélé hõko deté kutu beterapó. ¹⁴Mepaae wulia betere teó sorapepaaekélé, ma fo i dapa wosae. Me whinë diã dokóló naale senaale deyóló diãné be ó nokole ÷la ó mepaae ÷larapekélé wisiyóló kaae tapa, ÷ané bóe whi Satan-né ÷ã Keriso fake so whi faleyóló só deraaire tũ muaqsóró yae. ¹⁵Mepaae wulia sorapeta, ti kale tũ wisi taaróló Satan-né ala eraairaalu, ai tũ ai sya fele ape.

¹⁶Mepaae kisipa tiki tiró betere soné ama kekelé sotamo atima tuãmó betepa, ti ai soné atei wulia so mo wisiyóló kaae tanérápó. Ti noayaqsóró meipó. Kale Keriso so whirape atima mepaae kekelé meire wulia sorape tao suraalu, kekelé betere wulia sorapetamo bipi yaqsóró, kekelé betó mole wulia sorapeta, ti atima kekelénétóró tao sua yópóló yae.

¹⁷Fo meta i ape. Kale Keriso so whi tetéroló kaae tanópóló, sóró beteroó betere whirape atima Kótóné so whi mo wisiyóló dapesó fu betepata, ti atima doi mulatere ala mo ti tó mó beleróló mo doa doi mulópóló yae. Atépatei, mepaae tetéroló kaae tare whirape atimané diyópóló tukóló muló betere kutóta, ti Kótóné fo yó mótu betere alaró Keriso whi keteke bulatere fotamo eró tare whirape, ti mo doa doi mulópóló hale sóró horótu betae. ¹⁸Ti noatepae, i asęyóló muló betere fo tuę mueae. Kale *bulmakau* hupurapené whiti ne ó *bali* ne ke whinë naairetei sókó fópóló, tēja tēja duraalu mepaae ke naqsórópóló kulumu faaraose. Ai dere fo kaae me i ape. Kutó diratere whinë ama diale kutómó dupu sópóló melae fo asęyóló muló beterapó. ¹⁹Térapa, me fo i ape. Betã whinë duraalu, kale tetéroló kaae tare whinë i dowi ala depa kelalepó, dere fo wosaose. Motamo, tamo ó sore whinë kelalepó depa, ti ai kale dowi ala yale whi so whi feané keletómó foné sae. ²⁰Ti noa yópóló meipó. Mepaae whirapekélé ai dere ala kolóló wiyópólópó.

²¹Yãlo i dosãayale alarape yae yóló yãpaae du betere fo haşókó feni, mo eró taruraalu naao hosaa mole so whipaaemo wisi ala eróo, mepaae so whipaae kae ala eróo yaose. Tétu, mené dere fo bete wisinipatei taleturaalu, atimané take du betale alamó kisipa mutu, miókélé i ala mo du yalepóló tao sere ala ó só deratere ala momókó yaose. Ti i dere

fota, Kótóné kele tómókélé, Yesu Kerisoné kele tómókélé, ama kae soro betero betere *ensel*-rapené kele tómókélé, yaŕo yaŕapaae i ala mo yae yóló i mulatere ape.

²² Mepaae whi Kótóné so whi tetérolo kaae tanópóló soro beteraai depata, ti hapale hoŕo soro betereni, ama betere alapi kaae kolóló, sawa kaae taté fae. Téŕalemó, ama dere alatamo mo wisipa, ti ama tikimó naase mulóló soro beterae. Mepaae whirape dowi ala du betepa, naaotamo ai ala ekése yóló sesétere fo initepata, ti yaŕkélé ai dowi ala kwia ai sere ape. Téyaŕsoro, naao du betere wisi ala me dowi alatamo hosekéní, mo wisi alamaaté du betere whi betae.

²³ Térraalu, ya suka fea daló tare kae kae kisiro depe tuamó daale kisi betetamo wisiyópóló, mo weimaaté néni *wain* weikélé sawa téti nukua yae.

²⁴ Mepaae so whi atimané haŕkeamó du betere dowi alata, so whi feané kolóló tuŕapó. Atéreteiné ai du betere dowi alamó fo tokótamo yóló kwia saaire be de teópatei, atima só deró beterapóló, so whi feané kolóló tuŕapó. Mepaae so whi atimané kinóló deté fu betere dowi ala take fo tokótamo yóló taletere sukamó haŕkearatepa kelaalopó. ²⁵ Atétere kaae, mepaae haŕkeamó deté fu betere wisi alakélé, ti so whi feané kelerapó. Mepaae kikiti deté fu betere wisi alarapekélé ti so whi feané keletómó hiranénipó.

6 ¹ Kutó dirópóló wae soro betero betere whirape feapaae dere fo i ape. Kótóné doiró dané yó mótu betere fotamo mepaae so whiné faleyóló doka doka yaŕsoro, ai whirape atima wae soro dupuyale whi aŕmó sukóló bitu, kutó mo wisioló diraté fu beterópóló yae. ² Mepaae wae sale whi talerapeta, ti Keriso whirapepó. Ai whirapeta, kale wae sale whirape atimané nopóló kisipa muóló, atima aŕmó betere hoyóló deka kutó dini, mo doa ketekę buóló dirópóló yae. Ti noatapa meipó. Atima ai ditu betere kutómó botokotere ŕlata, ti Kótópaae kisipa tiki tiróló betere Keriso no apunétoro naalo ai ape. Térapa, i yae yóló du betere fo yó móturaalu, mo dirii ma fo du betae.

Moni-mó hosaa muaŕŕe yóló ere fo

³ Mepaae whirapenétamo kapala fotei Kótóné fo i ape yóló yó mótu betepata, ti ai whiné Tale Yesu Kerisoné yó matere fo wisiro Kótóné ala i ape yóló yó matere fotamo sya fumipó. Ti ai whiné ama dere alata, wisirapóló bopé faketu betereiné beŕa alakókélé mo kisipanipó. Ama nomarapetamo beŕa tuę muóló bitini, mo sawa fomótei doasi fo nisiyóló dóroi du betere alaró u tetéroto i tetéroto dere alatamo du betereiné ama kisipa tiki wisini, mo dorapó. ⁴ Atéturaalu, mepaae whiné dere ala kolóló ękélé até enée yóló dei kisipa mutereiteikélé, kae kae ŕlamó alale suraalu hoŕe sere alakélé, me whi dei tuę muópóló kae kae eratere fokélé,

me whjné me dowi ala depa kilinitei, yalemolópóló haļetei eraterere fokélé, dua dapó. ⁵Ti ai alarape du betere whjrapeta, mo foné bete sawakélé atima tuąmó muni, mo dowi kisipatóró muluraalu atimasisitei hoļe fomaaté yó tarapó. Téturaalu, Kótóné ala erateretei doasi *moni* sere tu mole nisyóló du beteraþó.

⁶Téþatei, Kótóné ala erótu bitu mepaae ęla ęla mo dekeró saaitapóló kisipa muni, téti suraalu, ita Talené matere ęla sypóló supata, ti mo doasi ala ai ape. ⁷Ti noatepae, da haené depemó betero i haepaae wouraalu mo betę ęlakélé tawóló wénitu dere kaae, da i hae taaróló fukélé me ęla tawóló faalomeipó. ⁸Téyaalopa, da mió bituraalukélé nokole ęlaró deraaire kutitamo téti mupata, ti mo kée yóló wisi tuę muóló beteneraþó. ⁹Mepaae so whjnéþamo ę doasi *moni* sóró néli whj betenée yóló kisipa mutupata, ti dowi alamó dée nópóló sę sere alané kisipa okokoróló ęlisóró fulapó. Téturaalu, na hemó duku dere kaae dowi alané atima dóló sukunótua dapó. Atéro doasi *monimó* ekęle yóló néli whj betenée du betere alanéþe kae kae hoķo alaró dowi alatamo kaaróló, so whj doakale hapisęa sélimó durupu dere kaae, dowi alané atima betere bete mo ti doróló só derótu beteraþó. ¹⁰Ti noatepae, kae kae du betere dowi alata, ti doasi *monikó* senée yóló ekęle du betere alané kaarótu beteraþó. Mepaae so whj doasi *moni* saaitapóló ketekę buturaalu, Kótóþaae kisipa tiki tiratere ala taaróló kóþaae ai fu betere ape. Ti aita, atimané yale alanéþe betere bete mo doróló dei fomaake kisipa mutu beteraþó.

Pol-né Timoti fotokę bulóturaalu yale fo

¹¹Kótóné ala erótu betere whj wisi-ó, ai du betere alarapené ya doraęsóró botokó fóló i alarape sya fu betae. Me dowi alakélé muni, mo donoyóló fole alakélé, Kótóné ala wisitóro eraté fu betere alakélé, tuę tiki tiróló bitu naao no netamo yaala sókó fu betere alakélé, me sekęi ala wapatei me ęla meipóló fotokę buóló Kótóné alatóro eró taru, naameyóló mo dua betae. ¹²Atéro Kótóþaae kisipa tiki tiróló bitu, ama ala erótu betereþó bóe whjné ai wisi alatamo bóe dupata, ti fotokę buóló du betae. So whj feané keletómó naao duraalu, Kótóþaae tuę tiki tiróló beteraþó yale sukamó Kótóné, ya mo ti betere bete tuęþaae biþi ape, yaleþó. Téyalepa, ai ti betere bete mo diriyóló tao tapatei fóló, kemene fole kwiamó sókó faaseþóló dapó. ¹³⁻¹⁴Fea kae kae betere ęlaró ere ęlatamo betere bete mótu betere Kótóné kele tóþókélé, Pontias Pailat betere felekemó halaainé daalu, mo donoi fomaaté yale sekę Yesu Kerisoné kele tóþókélé, i ala yae yóló mulatere fo haşókó fole ala ó dowi ala yaleþóló só deratere alakélé ini, mo hotowayóló eraté fu betero, da teþeróló kaae tare Tale Yesu Keriso wale sukamó sókó faaseþóló, yaļo yaþaae mo dirii ma fo i yóló mulatere ape. ¹⁵Tale waaire be deþa, mené ali tanitei, Kótóné ama tukóló muló betere be deþmótóro waalopó. Fea ala feata, ti amatóro

tęteróló kaae taru, mo wisi alamaaté Ɔanuraalu i haemó betó mole doasi topo whįraperó mepaae ęla ęla tęteróló kaae tare talerapetamo tęteró betere Taleta aťórótípó. ¹⁶ A ę betą mo kaayólókélé ó kemekélé ini, mo ti betó tare Kótó beterapó. A ę ama kae ere de tuąmó betepa, mo whį betąkélé, a ę betere felekepaee fenénipó. Mo whį betąné kolókélé inireteiné miókélé a ę kelenénipó. Ai sekę aťóró dukiróló, mo doasi fotokę bole doi kemekélé ini, mo ęle muó taté fu beterópoló yae. Mo kée! Térópoló yae.

¹⁷ I haemó doasi *moni* tare néli whįrapené i ala yópoló, ma fo i yóló mulatere ape. Atimané ai tare doasi *monimó* bopé faketuraalu, take nalo ai *moniné* atima tao saalopóló kisipa mutu betaşóró yae. Ti noatepae, ai *monita*, ti muó tawaaire ęlapakó kisipa tiki tiraalomeipó. ęla ęla fea mótu betere beteta, ti Kótótóró beterapó. Ai Kótóné hamokoróló dąmó ęla ęla fea şumó mótu beterapó. Atéro matere ęla ęla suraalu, mo kée yóló dą ęainé sukóló só tarapó. Tétu beterapa, take nalo waaire alimó dąpaae mo wisi ala eraalopóló kisipa mutu, ępaae betą kisipa tiki tiróló beterópoló yae. ¹⁸ Atimapaee dią doasi *moni* tare néli whį biture kaae, diaaę du betere wisi alamaaté dią tuąmó ęanu néli whį beterópoló yae. Atéro bitu, diaaę tare ęla ęla bukóló mepaae ęąęare so whįmó hamokoróló ęle mótua yae. ¹⁹ Atétu betere alanétei, take waaire alimó mo diriyóló beterópoló, doasi bete muaaire wisi wisi ęla muté muté horaalo ai ape. Téyaalopa, atima mo ti betere bete mo diriyóló taru du beterópoló, i ala yae yóló yó mótu betae.

²⁰ Timoti-ó, ę melale ęla wisi me alané ó me whįné doraşórópa, hotowayóló kaae tawae. Me bete munire ęle ęko fotei, so whįné mo bete mole fo nisiyópoló kisipa tiraaire fo depa, aita Kótóné bete mole fotamo bóe dilapa, kisipa keteróló sisópaae erae. ²¹ Mepaae whįrapené ai fo mo dere nisiyóló Kótópaae tuę tiki tiróló betereitei taaróló ai fele ape. Térapa, ęlo mo hosaa mole no-ó, Talené ęle hamokoróló tao sere ala ę tuąmó muó tanópoló yae.